

Was mache merr mett de Riedstrooß?

Omm letzde Sunndaach hadde merr omm Stommdisch dess Thema von de Riedstrooß, vom Autoverkehr dort unn was mir mett dere Strooß mache deete, jetz wo de Weilbacher Bohniwwergong ferr die Audos geschlosse iss. Weil doodefoo hott joo deletzd aach was im Flerschemer Blättche gestonne, dass aach die Stadtverordnete sich doodemett beschäffdische, awwer nitt wisse, wasse mache solle.

Schorsch, habb ich gesaad, Tatsach iss, dass die Leit vom Osde von de Stadt, also die ab de Riedschul enaus, dass die, wennse eniwwer uff die onner Seit von de Bohn wolle, saache merr zum Graulich odder zu de Geschäfte in de Dalberg-Strooß, jetz gern dorsch die Hertie-Unnerführung fahrn. E bissi näher wärs joo iwwer de Wickerer Iwwergong, awwer die Schronke dort sinn joo meidsen zu. Was mächsden du, wenn du in de Näh vom Kronkehaus odder vumm Bohnhof was ze due gehabbd host unn dann hoom in die Gallusstrooß willst, wie fährtst du?

Ei, gibt de Schorsch ze Antwort, ich fahr die Klowerstrooß bis zur Riedstrooß, die fahr ich donn bis zur Umgehungsstrooß unn fahr dann dorsch die Unnerführung unn die Rhoistrooß hoom.

Frächt de Karl: Unn warum fährtst du die Klowerstrooß enunner unn dorsch die Edderschemerstrooß uff die Umgehung?

De Schorsch hott de Kopp geschiddeld. Ei dess iss doch enn große Umweesch.

Ich saach: Den Umweesch misst merr emol messe.

De Schorsch hott gegrinst. Habb ich gemacht, mettem Tacho. Vunn de Klowerstrooß bis bei die Kreuzung zu de Umgehungsstrooß sinns dorsch die Riedstrooß 500 Meter unn iwwer die Edderschemerstrooß 1050 Meter. Ich will doch koo 550 Meter Umweesch mache bei dene Spritpreise heitzedaach. Unn außerdem hosde uff die Riedstrooß Vorfahrt, awwer dorsch die Klowerstrooß derrfsde nor Dreißeig fahrn unn unne onn de Klowerstrooß mussde monschmol long wadde, bisde uff die Edderschemerstrooß kimmst. Was onnersders isses, wennde von de Bohnhofstrooß aus zu de Umgehungsstrooß fährtst. Doo sollt merr dorsch die Edderschemerstrooß fahrn.

Frächt de Karl: Die Streck hosde doch sicher aach gemesse?

Seet de Schorsch: Na klar, unn nitt nor dess. Ich habb gestern sesomme mettem Sohn enn Test gemacht. Ich bin vunn de Bohnhofstrooß in die Riedstrooß oigebooche unn moin Bub, der direkt hinner merr war, iss dorsch die Edderschemerstrooß gefahrn.

Unn, habb ich gefroochd, was iss eraus kumme?

De Schorsch druff: Vom Bauer Lauck aus sinns dorsch die Riedstrooß bis zu de Kreuzung von de Umgehungsstrooß 800 Meter unn dorsch die Edderschemerstrooß 1200 Meter, also 400 Meter mehr. Awwer bass uff: Mir sinn zur gleiche Zeit onn dere Kreuzung ookumme. Weil dess ersde Stick in de Riedstrooß mussde Dreißeig fahrn, dann von de Klowerstrooß bis zur Kreuzung kimmstde aach nitt vorwärts, weil wenn ooner entgeeschekimmt, muss der ersdemol in e Parklück ausweiche. Iwwer die Edderschemerstrooß giehts trotz 400 Meter weider genau su schnell, weilde dort mehr Platz host unn außerdem Fuffsisch fahrn konnst. Mehr Sprit brauchstde doodeferr sicher aach nitt.

Intressont, moont de Karl, unn was mache merr jetz mett de Riedstrooß?

Seet de Schorsch: Jetz mache merr nix mieh, weils Zeit werdd dass merr hoom zum Esse kumme. Unn omm nächsde Sunndaach iwverleesche merr, was mir, wenn mir was ze saache hätte, mache deete. Eiern Honnes